

nam [a] et Pondum et Sanctam Floram [A], quae eidem domino resistebant [b]; et eidem domino [c] servierunt fidelissime et devote.

De terræmotu maximo.

CAP. CLXXIV.

Anno Domini MCCXXII die Natalis Domini venit vehemens terræmotus hora tertia in Romania et Lombardia, et maxime in Brixia et ejus episcopatu, qui bene duo millia inter [d] viros et mulieres, pueros et puellas, interemit. Civitas cum domibus, et turribus dirupta fere et dissipata fuit [e].

Quando Faventini iterum fecerunt canale, ubi molendina volvuntur.

CAP. CLXXV.

Anno Domini CCXXIII [f] post mille Amezus Karentanus [g] Faventinus potestas fieri fecit canale novum [h], quod incipit [i] a Sancta Maria foris Portam [j] et tendit usque molendinum abbatis Sancti Hypolyti, in quod aquam [k] mittens molendina, quae [l] in antiquo canale [m] erant ab Antonio Placentino, Faventino potestate, prius facta, destruxit [n], et in dictum canale [o] novum reaedificata videntur [p]. Fuit enim secundus fossati civitatis actor et restitutor [q]. Nam primus Guillelmus Burrus fuit, civis Mediolanensis, fossati civitatis inceptor et Faventinae potestariae principium [r].

[a] Rondenanam. Sic lego C. M.; Radenariam, C. V.; Rondenariam, legit Cl. Mitt. — [b] domino resistebant. Sic lego C. M.; domino nolebant obedire, C. V. — [c] eidem domino, C. M.; dicto domino, C. V. — [d] duo millia inter, C. V.; MM inter, C. M. — [e] dissipata fuit. Addidi fuit. — [f] Anno Domini CCXXIII post mille, C. M.; Anno MCCXXIII, C. V. — [g] Amezus Karentanus. Sic Codd. hic; licet supra habeant: Aruezus. — [h] canale novum. Sic Codd. — [i] quod incipit, C. V.; quod incipitur, C. M. — [j] foris Portam, C. V.; foris porta, C. M. — [k] in quod aquam. Sic lego; sed Codd., in quo aquam. Immo C. V., pro aquam, habet: aquas. — [l] molendina, quae. Sic Codd.; non, in molendina, quae. — [m] in antiquo canale. Sic lego. Codd. habent: in antiquum canale. — [n] destruxit, Codd.; decurrit, habet Cl. Mitt. — [o] in dictum canale. Sic Codd. Cl. Mitt. corrigit: in dictum canale; et revera masculino genere efferri deberet in toto capite hoc nomen. Imo legendum: in dicto canale novo. — [p] reaedificata videntur, C. M. Num potius sic, nempe: aedificavit? — [q] actor et restitutor. Sic legit C. M. cl. Mitt.; sed C. V. habet: actor et destructor. — [r] Fossati civitatis inceptor et Faventinae potestariae principium, C. M. In C. V., qui fossata civitatis inceptit et Faventinae potestariae principium. Vide supra ad ann. 1184.

[A] Galeata est in Apennino, juxta initium fluminis Vitis, quatuordecim milliariis ab urbe Forolivio, Rondenana, sive Rondenaria. ac Sancta Flora sunt loca supra Galeatam sita, sex vel octo milliarium intervallo.